



CH-7144 Vella, fevrer 2021

## Cundiziuns per la rumida da neiv entras il survetsch tecnic dalla vischnaunca Lumnezia

1. La vischnaunca exequescha en **emprema prioritad** la rumida da neiv da vias e plazz **publics**.
2. En **secunda prioritad** porscha la vischnaunca il survetsch da rumida per vias e plazz **privats**.
3. Tgi che giavischa ina rumida da neiv sto metter a disposiziun in plaz per deponer la neiv sin **agen terren**. Quei plaz sto esser situau aschia che la neiv sa vegnir stuschada en **in** pass da lavur directamein sin quel, senza stuer cargar sin in vehichel ni vegnir ina secunda ga el liug.
4. Per l'annunzia per la rumida da neiv eis ei necessari d'inoltrar **in plan da situaziun** ch'indichescha il liug da rumida ed il liug da deponer la neiv. La vischnaunca resalva il dretg da refusar il survetsch da rumida sch'il plaz ni la situaziun corrispunda buca allas cundiziuns numnadas.
5. Las lavurs succedan en connex cun la rumida dallas vias publicas encunter in'indemnisaziun pauschala minimala da CHF 200 per object. La summa definitiva sedrezza tenor la dimensiun dalla surfatscha.
6. Privats che vulan mantunar regularmein neiv da lur schischom privat agl ur da vias ni sin plazz publicas astgan far quei sulettamein **avon** la rumida regulara da neiv e cun far in'annunzia corrispudenta all'entschatta digl unviern. Persuenter vegn ina pauschala da CHF 50 incassada. Autramein eis ei scumandau da fierer e deponer neiv da schischom privat sin vias publicas, passapeis, sendas e plazzas publicas.
7. Lavurs per ulteriuras rumidas da neiv, che corrispundan buca allas cundiziuns numnadas, vegnan buca pli exequidas entras la vischnaunca. Quell'incumbensa sa vegnir surdada a firmas localas ch'ei equipadas culs vehichels corrispudents.
8. Plazzas, vias e tuts parcadis privats che dueien vegnir rumi entras la vischnaunca, ein da signalisar da mintga privat per evitar donns vid ils stabiliments. **La vischnaunca Lumnezia surprena negina responsablada per eventuals donns e fa neginas reparaturas en connex cun tals donns.**
9. Dat ei - malgrad la supplica per toleranza - reclamaziuns tier la rumida da neiv (memia tard, liug da deposit, etc.), resalva la vischnaunca il dretg da buca pli rumir la neiv sil terren pertuccau.
10. La vischnaunca ei buca obligada da sorprender la rumida da neiv per personas privatas.
11. Tgi che giavischa ina rumida per il proxim unviern – sut las novas cundiziuns – duei annunziar quei entochen ils **30 da settember** alla vischnaunca sut 079 445 54 58.

Il survetsch tecnic dalla vischnaunca Lumnezia fa tut il pusseivel per garantir la segirtad sin las vias ed in bien survetsch d'unviern. En connex cun sias lavurs basegna ei toleranza da vischinas e vischins e capientscha che buca tut ils giavischs san vegnir adempli. Finamira ei da porscher in survetsch da basa en ina rama raschuneivla e cun cuosts mudests pils convischins.

Suprastonza communal Lumnezia